

四庫全書

史部

欽定四庫全書

弇山堂別集卷六十八

明 王世貞 撰

命將考上

自高廟至今親征之外凡大舉平敵出塞者悉紀之
按洪武初年定出師獻俘儀注錄之

遣將出師授節鉞禮儀

前期拱衛司設大將軍次於午門外兵部官備節鉞陳

於奉天殿內架上內使監設御座于殿中侍儀司設大將軍拜位于丹墀中道稍西又設受節鉞位於御前俱北向設內贊位及授節鉞官位授節鉞執事位於大將軍受節鉞位之北東西相向百官侍立位於文武樓之北東西相向通班贊禮位於大將軍丹墀拜位之北通班在西贊禮在東引大將軍二人位於通班之次其餘侍衛陳設如朝會儀是日鼓初嚴侍儀導從官入迎車駕次嚴文武官具朝服入侍立位大將軍朝服入立候

於丹墀之西北所部將士鼓吹皆候於午門外鼓三嚴
皇帝服武弁服出樂作陞座樂止鳴鞭捲簾報時訖引
班引大將軍就丹墀拜位贊禮唱鞠躬拜樂作四拜興
樂止引大將軍由西陞陞西門入內贊接引至御前唱
鞠躬樂作再拜興樂止唱跪搯笏大將軍跪搯笏授節
鉞官取節鉞至御前跪承制興立於大將軍之東北宣
制位先授節次授鉞大將軍以次受訖以授執事者執
事跪受立于西唱出笏俯伏興樂作大將軍出笏俯伏

興復再拜樂止自西門出執節鉞者前行至位分立于左右樂作贊禮復唱鞠躬四拜興禮畢樂止皇帝興樂作還宮樂止大將軍出勒所部建旗幟鳴金鼓正行列擎節鉞奏樂前導百官以次送出

遣將告祭廟社儀

遣將告祭廟社儀與遣官奏告廟社禮同就命大將以牲幣行一獻禮師還則陳凱樂俘馘於廟社門外而祭告之與出師祭告儀同

大將奏凱儀

先期大都督以露布聞大將未至前一日所司設大將次于午門外內使監官陳御座於午門樓上前楹當中南面侍儀司設大將拜位於樓前北向諸將位於大將之後文武百官位於諸將之南文武西奏凱樂位於大將位前協律郎位於奏凱樂之北司樂位於協律郎之南俱北向贊禮位於樓前大將拜位之北文武官侍立於兩傍諸將侍立位於文武班之北俱東西相向大將侍

立位於諸將之北東向引班舍人位各於所引官之北
東西相向又設獻俘位於樓前少南獻俘將校位於獻
俘位北設刑部尚書奏位於將校之北皆北向又設刑部
尚書受俘位於獻俘位西東向設露布案於內道正中
南向受露布位於案東西向承制位於案東北西向宣
露布位於文武班之南北向至日清晨大將以下入就
侍立位皇帝常服乘輿出升樓即御座侍衛如常儀大
將以下就拜位贊拜大將以下皆四拜退就侍立位贊

奏凱樂協律郎執麾引樂工就位司樂俛伏跪請奏凱
樂協律郎舉麾鼓吹振作徧奏樂曲其曲隨事撰述樂
止司樂跪唱謹奏樂畢協律以下以次退凱樂初奏將
校引俘俟立於兵仗之外樂畢贊宣露布承制官承旨
以露布付受露布官引禮引受露布官詣露布案跪受
由中道南行以授宣露布官宣訖將校引俘至位刑部
尚書跪奏曰某官某以某處所俘獻請付所司奏訖退
就受俘位俟旨其就刑者立於西廂東向以付刑官其

宥罪者樓上承制官宣旨曰有勅釋縛樓下承傳宣旨
釋訖贊禮贊所釋之俘謝恩皆四拜呼萬歲者三將校
以所釋俘退如有所賜就宣旨賜之大將以下就拜位
皆四拜搯笏舞蹈山呼萬歲者三出笏復四拜乃出文
武官就位四拜搯笏舞蹈山呼如常儀復四拜班首稍
前跪稱賀致詞訖俯伏興復位及衆官復四拜禮畢乘
輿降樓還宮百官以次出

論功行賞儀

前期內使監陳御座香案于奉天殿如常儀尚寶司設
寶案于殿中侍儀司設詔書案於寶案之前誥命案於
丹陛正中之北設皇太子諸王侍立位於殿上之東北
設承制位於殿上之東宣制位于丹陛誥命案之北吏
部戶部禮部尚書位於殿上之東南設大都督府兵部
尚書位於殿上之西南應受賞官拜位於丹墀中序立
位於丹墀西南受賞位於誥命案之南受賞執事位於
受賞官序立位之西每官用捧誥命捧禮物各一人俱

北向餘陳設如朝會儀是日鼓三嚴執事官各就位皇
帝服袞冕御輿以出樂作陞座樂止捲簾鳴鞭報時訖
皇太子諸王具袞冕自殿東門入樂作至殿內侍立位
樂止受賞官入就拜位樂作四拜樂止承制官跪承制
由殿中門出吏部戶部禮部尚書由殿西門出立于誥
命案東承制官至丹墀中南向稱有制受賞官皆跪宣
制曰朕嘉某等為國建功宜加爵賞今授以某職賜以
某物某恭承朕命宣畢受賞官俯伏興樂作再拜樂止

行賞受賞官第一人詣案前跪搢笏吏部尚書捧誥命
戶部禮部尚書捧禮物各授受賞官受賞官以授左右
出笏俯伏興復位餘官以次受賞訖承制官吏部尚書
等俱至御前復命退復位樂作受賞官皆再拜樂止搢
笏鞠躬三舞蹈跪呼萬歲者三出笏俯伏興樂作復四
拜樂止禮畢皇帝興樂作至謹身殿樂止皇太子諸王
還宮受賞官及文武官以次出至午門外以誥命禮物
置于龍亭用儀仗鼓樂各送還本第明日進表稱謝如

常儀

丙午八月庚戌上以討張士誠告大江之神辛亥中書左相國徐達為大將軍平章政事常遇春為副將軍率師二十萬發建康辛酉師至太湖己巳常遇春敗其兵於湖州港癸酉進湖州之毗山又敗其兵甲戌至湖州遂圍之破其援兵潘元紹等又破士誠於皂林乙巳又大破其援兵於舊館戊寅遂平舊館寨得五太子等兵六萬人十一月甲申湖州李伯昇等降己丑平章朱文

忠平杭州潘原明等降癸卯大將軍達等兵至姑蘇城南鮎魚口擊士誠兵破之遂圍姑蘇達軍葑門常遇春軍虎丘郭子興軍婁門華雲龍軍胥門湯和軍閶門王弼軍盤門張溫軍西門康茂才軍北門耿炳文軍城東北仇成軍城西南何文輝軍城西北四面築長圍守之吳元年丁未正月庚子松江府嘉定州降六月己酉士誠出犯副將軍遇春兵大敗之士子復出兵西門遇春復敗之八月辛巳達兵破葑門遇春兵亦破閶門新寨

遂凌城士誠兵大潰執之得其官屬平章左丞參政內史等官及將校吏士外郡流寓之人凡二十餘萬己丑士誠至建康自縊死偽吳平

吳元年十月甲午中書左丞相信國公徐達為征北大將軍平章軍國重事鄂國公遇春為副將軍率兵二十五萬由淮入河北取中原辛未沂州王宣父子納款壬午宣叛達討平之十一月辛丑達師克益都遂徇下其屬州縣十二月丁未都督張興祖兵至東平降元衆五

萬洪武元年二月丙午遇春自濟南取東昌癸丑克之
丁巳都督同知康茂才以兵益大將軍丙寅達師下樂
安三月甲申達奏所下山東郡縣獲卒三萬二千餘人
馬一萬六千餘疋己亥達進攻汴梁至陳橋左君弼等
迎降四月戊申達遇春自虎牢進攻河南破托音特穆
爾兵五萬河南降戊午達分兵取陝州遇春下汝州甲
子上行幸汴梁都督馮宗異破潼關元守將望風奔潰
辛卯遇春宗異至行在見上乙未辭六月庚子朔達至

行在謀取元都癸卯辭己未會兵於河陰七月丁酉渡河閏七月庚子徇河北州郡癸卯下彰德丁未下廣平己酉師次臨清檄東昌兵來會癸丑達率馬步舟師北上戊午下長蘆辛酉抵直沽獲海舟七作浮橋以濟師遇春等各率舟師並河東西以進馬步夾之元丞相伊遜等望風遁癸亥達師至河西務大破其平章阿爾布達等兵丙寅入通州復破其國公知院兵是夜三鼓元帝及其后妃太子開建德門北走八月庚午達進師圍元

都將士填濠登城而入達登齊化門樓執其監國宗室
淮王特穆爾布哈及太尉中書右丞相強通平章德呼
必實保賽音布哈右丞張康伯御史中丞摩綽戮之獲
諸王六人玉印二玉璽一封其府庫圖籍寶物等又封
故宮殿門宮人妃主令其宦寺護視號令士卒無得侵
暴人民皆安堵癸未偏將軍湯和平章楊璟從達甲午
右副將軍馮宗異從達征山西九月戊戌朔達改故元
都安貞門為安定門建德門為得勝門戊申狗永平下

之甲子大兵發北平乙丑下保定府丁卯下中山府已
已遇春兵克真定壬申右副將軍宗異偏將軍湯和兵
渡太行破碗子關癸酉取澤州丁丑取潞州乙卯達略
平定州戊午克河中府十一月甲子達檄宗異以潞州
之師會十二月丁卯元丞相庫庫特穆爾由太原出鴈
門謀復北平達兵擣太原庫庫還救未合戰夜襲其營
盡覆之得壯士健馬各四萬庫庫遁遂悉下山西州縣
二年正月遇春兵攻大同守將珠展走三月達至鹿臺

遂入奉元路元平章李思齊張思道等遁遇春進攻鳳翔下之李思齊奔臨洮達師至鞏昌守將呼圖克特穆爾汪琳沁巴勒等出降宗異進逼臨洮李思齊降五月張良臣以慶陽降尋復叛六月甲戌達自涇州率諸軍圍之已卯遇春與副將李文忠率步騎九萬取開平敗元兵于錦州敗之於全寧又敗之於大興州進攻開平元主先北奔追北數百里俘其宗王平章斬之得將士萬人車萬輛馬三千疋牛五萬頭己亥遇春卒李文忠代將

之八月丙寅破元托里巴之師降其衆萬餘癸未克慶陽斬張良臣達等還京師賞賚有差此克元之大畧也吳元年十月甲子征南將軍胡廷美副將軍何文輝兵由江西取福建正月破建寧執參政陳子琦獲將士九千七百九十餘人馬二百七十一疋十二月征南將軍湯和取福州洪武元年正月師至延平執平章陳友定二月癸卯廷美狗汀泉諸郡縣悉降之福建平是日平章廖永忠為征南將軍參政朱亮祖副之率舟師由海

道取廣東丙辰永忠等諭廣東右丞何真壬戌勅贛州
衛指揮使陸仲亨等率兵益永忠等三月何真以廣東
行省降四月己卯永忠移兵取梧州廣東西悉平

洪武三年春命右丞相信國公達復為征北大將軍浙
江行省平章李文忠為左副將軍右都督馮勝為右副
將軍御史大夫鄧愈為左副副將軍湯和為右副副將
軍分道出征沙漠四月丙寅大將軍達率師出安定駐
沈兒峪口與庫庫特穆爾隔深溝而壘日數交戰庫庫

發千騎由間道從東山下潛劫東南壘一壘皆擾達親率兵救之敵乃退遂斬其壘指揮數人以徇軍中股栗明日整兵出戰諸將爭奮遂大破之於川北亂塚間擒元郟王文濟王及國公閻思孝平章哈扎爾和琳等官一千八百六十五人將校士卒八萬四千五百餘人獲馬萬五千二百八十餘匹橐駝驢騾雜畜稱是庫庫僅以身免辛丑左副將軍李文忠師趨應昌未百里獲其謀訊之云元主已殂自應昌往開平報國喪文忠即督

兵進癸卯大破元兵追圍其城明日克之獲元主嫡孫
密迪哩巴拉并后妃宮人暨諸王省院達官士卒并獲
宋元玉璽金寶一十五宣和殿玉圖書一玉冊二鎮圭
大圭玉帶玉斧各一及駝馬牛羊無算太子阿裕實哩
遁走得免師旋頒詔天下封賞有差

四年正月丁亥伐偽夏命中山侯湯和為征西將軍江
夏侯周德興德慶侯廖永忠為左右副將軍率營陽侯
楊璟等京衛荆襄舟師由瞿唐趨重慶潁川侯傅友德

為征虜前將軍濟寧侯顧時為左副將軍率河南陝西
步騎由秦隴趨成都閏三月楊璟師進攻瞿唐與戴壽
兵戰不利退還歸州四月丙戌潁川侯攻階州克之己
丑克文州敗其平章丁世真庚寅命永嘉侯朱亮祖為
征虜右副將軍發兵益湯和癸巳友德兵渡青州果陽
白水江遂趨隆州庚子克之癸卯克綿州破向大亨兵
六月壬午克漢州大敗戴壽兵復破吳友仁兵於古城
丙戌德慶侯廖永忠率所部兵至舊夔府破其平章鄒

興等辛卯破瞿唐關入夔州明日湯和亦至與永忠分
道和率步騎永忠率舟師會攻重慶丙申友德兵至成
都已亥永忠自夔乘勝抵重慶偽夏主明昇遣使納款
癸卯湯和至昇與其母彭面縛銜璧請降承制釋之七
月友德大破偽丞相戴壽兵尋請降得士馬三萬庚辰
偽平章丁世真竄山谷死庚子友德及江夏侯兵克保
寧執吳友仁蜀地平

洪武五年正月甲戌命征北大將軍達兵五萬出中路

左副將軍文忠兵五萬出東路征西將軍勝兵五萬出西路征王保保即庫庫特穆爾也達至山西境都督藍玉兵至圖拉河遇保保敗之保保走五月壬子達兵至嶺北與敵戰不利斂兵守寨別將中山侯和與敵戰於斷頭山不利指揮章存道死之六月戊寅勝及左副將軍陳德右副將軍傅友德師至蘭州友德率驍騎五千趨西涼敗元寶喇罕之兵至永昌又敗元太尉多爾濟巴勒于呼喇罕口大獲其輜重牛馬進至掃林山勝等師

亦至友德手射死元平章布哈斬其黨四百餘降太尉
索諾爾濟雅平章袞楚克等至甘肅守將上都律以吏
民降進至額齊訥路守將布延特穆爾以城降進師破
元岐王多爾濟巴勒獲其平章常嘉努等二十七人及
馬駝牛羊十餘萬友德復追敗之於瓜沙州收其兵獲
金銀印馬駝牛羊二萬餘而還甲辰文忠師至扣肯地
敵棄營遁獲牛馬輜重無算進至哈瑪爾敵別部驚潰
復進至臚朐河輕騎襲敵至圖拉河敵將曼濟哈喇章

覘知之悉騎兵結陣以待文忠與戰敵稍却復進至鄂勒歡河敵騎益衆搏戰不已文忠馬中流矢急下馬短兵接從者劉義直前奮擊以身蔽文忠指揮李榮見事急以所乘馬授文忠自奪敵馬乘之文忠橫槊徑進士皆殊死戰敵遂敗走獲人畜萬計追至青哈敵復大集文忠勒兵椎牛饗士縱所獲馬畜於野示以閒暇居三日敵疑有伏兵不敢逼乃遁去文忠亦引歸宣寧侯曹良臣指揮使周顯張耀韋榮皆戰死是舉也大將軍所遇勁故

敗失士馬數不可攷然孤懸塞外而能還保塞諸將無
所亡失蓋一敗而能整故耳左副將軍雖名為勝之敢
深入失亡過當幾至喪師征西將軍所遇靡故全勝而
右副將軍功最多然賞罰俱不行史謂達與諸將固請
北征恐未必然也前是月餘上特召達文忠勝賜之交
趾弓五十彤弓百而不及鄧衛公無何三將並命實上
意也故不得而罪之宋公與指揮千百戶俱不賞而賞
止旗軍則聞其有私馳馬之議耳

洪武十年四月吐蕃部川藏邀殺使者命衛國公鄧愈為征西將軍都督同知沐英為副將軍率陝西諸衛兵十餘萬討之五月愈等分兵為三道擣其巢穴遂大破川藏之衆追奔至崑崙山斬首萬餘級獲馬牛羊十餘萬遣涼州等衛將士分戍碾北等處而還愈行至壽春遇疾卒追封寧河王尋封沐英為西平侯將士陞賞有差

十三年故元國公托和齊知樞密院謁足率衆數萬屯

於和林為邊患命西平侯沐英等率陝西兵往討之英
師至靈州遣侯騎偵知托和齊等兵次額齊訥路遂率
精騎渡黃河經寧夏歷賀蘭山涉流沙凡七日夜至其
境去穹廬五十里分軍為四道至夜銜枚而進合圍之
擒托和齊藹足盡獲其部落男女馬駝牛羊以歸悉封
諸將安陸侯吳復等十餘人為列侯

十四年九月命潁川侯傅友德為征南將軍永昌侯藍
玉西平侯沐英為左右副將軍率三十萬衆征雲南丁未

友德至湖廣遣都督胡海洋等率兵五萬由永寧趨烏撒十二月戊辰友德等至曲靖大破梁王將達爾瑪兵於白石江擒之斬獲萬計友德自率衆數萬擣烏撒而分兵授玉英趨雲南壬申梁王巴咱爾幹爾密走羅佐山轉入普寧州草舍自縊死癸酉玉等兵入雲南定之遣將分道取雲南諸路庚辰友德大破元右丞實巴爾兵遂城烏撒得七星關以通畢節又克可渡河於是東川烏蒙芒部諸蠻望風降附十五年正月辛巳別將攻威

楚路降之壬午降其曲靖宣慰司中庾澂江武定三路
七州六縣閏二月癸卯左右副將軍兵進攻大理克之
分兵取鶴慶麗江破石門關下金齒於是車里平緬等
處俱來降雲南悉平

洪武二十年春正月癸丑命宋國公馮勝為征虜大將
軍潁國公傅友德永昌侯藍玉為左右副將軍南雄侯
趙庸定遠侯王弼為左參將東川侯胡海武定侯郭英
率兵二十萬北伐以元丞相納克楚近邊故也三月辛

亥師出松亭關駐大寧五月丁丑勝等至遼州東獲納克楚屯卒

闕

百人馬四十餘匹遂進師金山之西使其

故將鼐喇固來云納克楚有三營畜牧甚盛不肯會元主期至是見逼於我乃遣使至大將軍陽為納款而實覘我兵勢勝遂遣藍玉往伊圖河受其降敵見我兵盛還報納克楚乃指天嘖嘖歎曰天不與我有此衆矣遂率數百騎詣玉約降玉大喜與飲懽甚納克楚酌酒酬玉玉請之先納克楚即先飲更酌以授玉玉解衣衣之

曰請衣此而後飲因相與爭讓久之納克楚取酒澆地
顧其下咄咄語將脫去時鄭國公常茂在坐其麾下
有趙指揮者解其語以告茂直前薄之納克楚驚起欲就
馬茂拔刀斫之傷臂不得去都督耿忠擁以見勝其所
部將士妻子凡十餘萬松花河北聞納克楚被傷遂驚
潰勝遣裒通諭之其降者凡四萬餘并得其噶哈瑪勒所
部凡二十餘萬人羊馬驢駝輜重亘百餘里追獲北奔
車輛四萬四千九百六十三傷殘其軍二萬四千二百

二十九人是役也踰於霍冠軍之降休屠渾邪耳第以大將軍與鄭公茂爭功相訐勝還朝待罪茂削爵流雲南舉軍無賞者然王處置之失宜僅亞於茂而茂之直前所納克楚稍失之躁耳亦未可盡非也

二十年九月丁未永昌侯藍玉為征北大將軍延安侯唐勝宗武定侯郭英為左右副將軍都督僉事耿忠孫恪為左右參將討北師二十一年三月乙卯出師至百眼井丙辰至捕魚兒海偵北師營在海東北八十餘里

以定遠侯王弼為前鋒直薄之敵方欲北向聞大軍至
太尉曼濟拒戰敗之殺曼濟及其兵數十人衆遂降是
時托克斯特穆爾與其太子天保努知院訥克林丞相
實勒們等數十騎遁去玉率精騎追之出千餘里不及
而還獲其次子地保努等六十四人及故太子必里克
圖妃并公主等五十九人又追獲吳王代王及平章巴
朗等二千九百九十四人軍士男女七萬七千三十七
口得寶璽圖書牌面一百四十九宣勅照會三千三百

九十道金印一銀印三馬四萬七千匹駝四千八百四頭牛羊一十萬二千四百五十二頭車三千餘輛聚其甲兵焚之尋又破故元將哈喇章營獲其軍士一萬五千八百三戶馬駝四萬八千一百五十餘匹

二十一年七月西平侯沐英奏東川諸蠻據烏山路結巢而叛上下三百里人跡阻絕詔大發馬步兵命賴國公傅友德仍為征南將軍英為左副將軍普定侯陳桓為右副將軍景川侯曹震為左參將靖寧侯葉昇為右

衆將往討之尋賜友德勅諭友德等謂東川芒部諸夷
種類雖異而其始皆出囉囉厥後子姓蕃衍疆場乃異
其名曰東川烏撒烏蒙芒部祿肇水西無事則互起爭
端有事則相為救援近稱諸蠻不叛者號為循良固未
可逆詐然須加防閑嚴整師旅使彼不得肆其姦謀然
後賊可破也又戒以山勢險峻道路崎嶇林菁深邃其
人如猿猱猝難捕獲宜且駐兵屯種待以歲月然後可
圖九月友德等討越州叛酋阿資又遣靖寧侯昇破平

東川獲叛蠻五千五百三十人十一月友德討阿資置
平夷千戶所於其山二十二年正月破阿資普安寨獲
其兵千三百馬牛羊五千三百頭二月進擊阿資於越
州敗之斬其黨大頭宗等五十餘人獲馬牛羊萬計阿
資勢窮與其母請降三月命友德駐沅州申國公鄧鎮
駐大庸魏國公徐允恭駐常德曹國公李景隆駐安陸
開國公常昇駐辰州靖寧侯葉昇駐襄陽普定侯陳桓
駐岳州雄武侯周武駐武昌吉安侯陸仲亨駐蘄州安

陸侯吳傑駐茶陵東平侯韓勲駐黃州東川侯胡海駐
寶慶南雄侯趙庸駐長沙宣寧侯曹泰駐瞿塘宣德侯
金鎮駐施州靖海侯吳忠駐衡州江陰侯吳高駐永州
全寧侯孫恪駐沔陽延安侯唐勝宗駐黃平都督張銓
王誠孫彥駐桂陽忠州道州信國公子湯鼎六安侯子
王威駐長寧夷陵諭以休息士卒控制蠻夷七月以友
德疾召還

二十三年正月以故元丞相約爾珠太尉烏爾布哈知院

阿爾特穆爾平章和克齊等將為邊患詔晉王燕王各率所部大軍討之尋命潁國公傅友德為征北前將軍南雄侯趙庸為左副將軍懷遠侯曹興為右副將軍定遠侯王弼為左叅將全寧侯孫恪為右叅將赴北平操練兵馬聽燕王節制復命齊王率山東都司青兗州護衛及徐邳二衛精銳馬步官軍隨征聽燕王節制仍遣都御史特古斯特穆爾以勅諭約爾珠等降二月燕王率兵出古北口友德等各以所部從燕王諭之曰吾與諸將

軍受命提兵沙漠以靖邊患今敵無城郭居止其地空曠千里行師必有耳目不得其所難以成功諸將聽命即發哨騎探得蹤跡知噶爾布哈約爾珠等駐廬帳於遼都遂進兵適大雪諸將欲止燕王曰天今大雪敵必不疑我至宜乘雪速進遂抵遼都隔一磧敵不之覺乃先遣指揮衮通往招之衮通與噶爾布哈舊至則相抱持而泣倉卒間我師已壓敵營敵衆大驚噶爾布哈欲上馬走衮通諭以燕王自至毋恐也噶爾布哈約爾珠

素聞王威信遂不去衮通引之來見王王降辭色待之
即賜之酒食令醉飽慰諭遣還營敵甚喜過望遂無遁
意將至營又復召還如是再三遂悉收其部落馬駝牛
羊以歸捷聞詔烏爾布哈等將校二百餘人入朝獻太
尉等銀印四金牌三銀牌八鐵牌五并所受元宣命二
十八道以烏爾布哈為留守中衛指揮使阿爾特穆爾為
燕山中護衛指揮約爾珠為副都御史古卜齊為工部右
侍郎賜紗帽金帶襲衣鈔錠銀兩有差晉王兵出塞不見

敵而還


建文二年七月燕王起兵北平執殺都指揮使謝貴左布政使張昺事聞命征虜將軍長興侯耿炳文等三十萬衆伐之八月以十三萬衆戰於真定敗績炳文僅以身免左副將軍駙馬都尉李堅右副將軍都督顧成都指揮劉遂俱被獲九月命太子太師曹國公李景隆率兵五十萬代炳文賜節鉞得專征伐是月遼東總兵江陰侯吳高復敗績大寧失守寧王與其三護衛兵皆屬燕十

月景隆等悉衆攻圍北平不下十一月燕王自大寧還救景隆等大敗走屯德州以燕王間書削遼東帥吳高爵成廣西專任都督楊文三年正月燕王圍大同景隆引兵出紫荆救之遇燕王復還德州令左副將軍武定侯郭英右副將軍安陸侯吳傑駐真定尋合兵進至白溝河與燕王大戰連日復敗績死及降者數十萬景隆走德州燕師來薄景隆走濟南燕師遂取德州追擊至濟南景隆戰復敗走燕師遂圍濟南山東布政司左叅

政鐵鉉擊却之燕王歸北平六月遣尚寶司丞李得成
講和於燕八月都督徐凱等敗於滄州被擒詔都督盛
庸以兵駐東昌與燕兵戰大破之王走北平進封庸歷城
侯為平燕將軍諸將咸屬焉三年二月庸進兵大戰於
滹沱始勝之再戰大敗死者十餘萬庸走德州閏三月
吳傑及都督平安兵復敗於滹沱北死者復十餘萬順
德廣平大名俱失守遣大理少卿薛嵩使燕諭罷兵五
月都督袁宇兵復敗十月都指揮花英等兵復敗被獲

十一月遼東兵圍永平者復敗四年三月平安兵復大敗於徐州命駙馬都尉梅殷以重兵屯淮安號四十萬盛庸率餘兵走與殷合左都督何福等復大敗於靈璧福走左副總兵陳暉右副總兵平安右參將馬溥都督徐真等三十七員禮部侍郎陳性善大理寺丞彭與明欽天監副劉伯完等一百五十員皆被擒死者六萬餘人泗州失守盛庸兵復敗於淮安失戰艦以千數燕王遂南揚州失守命皇從姑慶成郡主如師請和割地不

許六月盛庸等集舟師拒之瓜洲復大敗王遂渡江鎮
江失守命魏國公徐輝祖開國公常昇等率兵分道出
禦之復大敗遣曹國公李景隆兵部尚書茹瑄都督
王佐行成不許景隆等遂納款復命諸王如師行成不
許燕王兵至金川門谷王穗開門內之京師失守



弇山堂別集卷六十八

欽定四庫全書

史部

弇山堂別集卷

六十九
七十

詳校官編修_臣李潢

編修_臣裴謙覆勘

總校官中書_臣朱鈐

校對官中書_臣孫球

謄錄監生_臣沈方大

欽定四庫全書

弇山堂別集卷十九

明 王世貞 撰

命將下

永樂四年五月安南國王陳天平還國遣都督僉事黃
中呂毅以兵五千送之封其僭臣胡奎為順化郡公盡
食所屬州縣三月己巳胡奎邀殺天平四月辛未事聞
上大怒七月辛卯命成國公朱能為征夷將軍西平侯

沐晟新城侯張輔為左右副將軍豐城侯李彬雲陽伯
陳旭為左右叅將統兵八十萬征之仍勅占城王木邦
宣慰夾攻之十月戊子將軍能以疾卒於龍州新城侯
輔代總其衆以進乙未輔師發憑祥度玻壘關前哨破
之檄安南將吏數胡奎父子二十罪丙申破鷄陵關庚
子搜芹站伏哨昌江造浮橋至北江府諜西平侯晟兵
至白鶴遣驃騎將軍朱榮往會諜知賊衆號七百萬沿
洮江施江富良江立柵以守丁未下詔以新城侯為征

夷將軍十二月辛卯西平侯奪宣江江面軍次洮江北
岼與多邦城對壘新城侯攻洮江造浮橋濟師遣朱榮
敗賊於嘉林江北尋克多邦城大破賊遂循富良江南
下擣其東都破之癸卯復破西都屢敗其兵三江等路
皆請降五年正月丙辰敗其援兵斬首三萬七千餘
已巳復敗之於木九江斬首萬餘辛巳復敗之於富良
江斬首數萬胡奎父子脫身走五月甲子獲胡奎父黎
季犛於海口山中乙丑獲黎蒼於南望山即胡奎也安

南平六月癸未詔示天下定為都布按三司衛十千戶
所二戶十五州四十一縣二百八安撫人民三百一十
二萬有奇獲蠻人二百八萬七千五百有奇糧儲一千
三百六十萬石象馬牛共二十三萬五千九百餘船隻
八千六百七十七艘軍器二百五十三萬九千八百五
十三件進封新城侯為英國公西平侯為黔國公六年
八月乙酉交趾賊簡定鄧悉等反命黔國公晟率兵四
萬討之尚書劉儁參軍事十二月丁酉晟與簡定戰生

厥江敗績尚書僞都督呂毅皆死之二月壬午命英國
公輔為征虜副將軍清遠侯王友副之發兵南討八月
己未英國公敗賊於鹹子關九月庚午復敗賊於太平
海口十一月生獲僞虞上皇簡定等八年正月丙子敗
賊黨阮帥檜等丁酉簡定及僞將相陳希葛等伏誅英
國公還京八年五月丁丑黔國公晟追賊首陳季獮等
於虞江破之斬首三千餘級戊寅晟別將江浩與賊黨
鄧景異戰不利季獮尋請降赦之以為交趾布政使鄧

景異為都指揮九年正月己卯英國公仍佩將軍印率兵二萬四千合晟兵往討七月丙子輔晟敗賊於月常江十一月癸亥復破賊於沿海盡殲其醜類十年八月癸丑輔復大破之於神投海十一年十二月復大破之於愛子江十二年正月壬辰誅賊酋鄧景異甲午獲阮帥等三月癸未獲偽越國大王陳季獮等餘黨悉平英國公等賞賚加等

七年秋七月癸酉淇國公丘福為征北大將軍武城侯

王聰同安侯和珍為左右副將軍靖安侯王忠安平侯
李遠為左右叅將率十萬騎討北邊布尼雅實哩治其殺
使臣郭驥之罪也甲寅福以千餘騎先至敗其遊兵於
臚朐河遂渡河謀知敵相距三十里不待師集徑薄其
營與戰相持二日每戰敵輒佯敗引去福銳意乘之敵
衆益盛福謀遣同安侯使敵假言求和自率騎繼之同
安侯不可福厲聲曰不從命者斬既行敵伏發安平武
城二侯率五百騎突敵陣殺賊數百人力屈死兵遂大

潰福與王忠和珍俱被執見殺士卒死者數萬人追削
淇國公爵遷其家海南

宣德元年夏四月命太子太保成山侯王通佩征夷將
軍印充總兵官都督馬瑛充叅將兵部尚書陳洽仍叅
贊軍務往交趾等處征討叛寇黎利發楚蜀護衛兵二
千人南直隸福建六省兵萬五千人廣西弩手三千餘
人及本省土兵三萬人使將之前是交趾總兵榮昌伯
陳智都督方政討利敗績故也九月命鎮遠侯顧興祖

以廣西兵五千益通其月通抵交趾十月通所部都指揮袁亮兵與利黨黎善戰不利善等分兵為三道來逼交趾通等出戰叅將馬瑛破賊於清威與通師會應寧縣渡寧橋遇敵大敗尚書陳洽死之通中傷而還黎利自關安聞之自率衆會善進圍東關十二月通大懼傳檄清化州迄南城池悉聽利管屬其官吏軍民皆令出城赴東關惟清化知州羅通指揮丁忠不從利分兵擊之不能下事聞詔以太子太傅安遠侯柳升佩征夷副

將軍印為總兵官保定伯梁銘為左副總兵都督崔聚為右叅將太傅黔國公沐晟佩征南將軍印為總兵官興安伯徐亨為左副總兵新寧伯譚忠為右副將軍分兩道討利升所統兩京湖浙二廣十二省兵晟所統四川雲南兵合七萬人二年正月通出兵大破賊斬偽司徒黎豸偽司空丁禮等萬餘級衆請急攻之通不決三日利兵復振三月再發諸省兵四萬五千二百人益升黎利兵陷昌江都指揮李任中官馮智知州利子輔等

俱死之八月柳升兵至隘留關具書請罷兵立陳氏後
兵進累破柵直抵鎮夷關升意輕賊以輕騎百餘前進
渡橋遇伏中標死從騎皆沒軍中洶洶是日銘以病死
明日李慶亦以病死大兵為賊所乘遂覆沒崔聚被擒
不屈死之而晟兵遂忸沮不敢進十日事聞黎利上章
進方物請立陳氏後詔遣禮部左侍郎李琦工部右侍
郎羅汝敬為正使右通政黃驥鴻臚卿徐永達為副使
齎詔撫諭之命王通等班師十二月王通不俟命與利

盟率師及文武官吏家屬八萬六千六百四十人還三年閏四月至京文武廷臣劾奏通及馬瑛方政三司官布政弋謙等俱論死錮禁之籍其家五月李琦等還奏陳氏之當為後者嵩於正月中病死支裔遂絕於是命利權其國事而交趾失矣

正統六年定西伯蔣貴挂平蠻將軍印充總兵官兵部尚書王驥總督軍務率左副總兵李安右副總兵劉聚等合漢土兵十五萬討麓川宣慰思倫發初洪武間平

雲南獨百夷酋長思倫發未服後為其頭目刀干孟所
逐赴京陳訴命為宣慰使居麓川分其餘地置孟養木
邦孟定三府隸雲南路江等四長官司隸金齒永樂元
年陞孟養木邦為宣慰後孟養宣慰刁木但與其隣讐
殺而死緬甸宣慰新獻加乘其敝取之新獻加復為所
殺麓川思倫發之次孫思任發代為宣慰復乘緬甸敝
取之遂侵孟定府及灣甸等州欲盡復祖故也累詔撫
諭之不從遂用兵而黔國公晟兵往不利都督同知方

政等戰死晟暴卒弟都督同知昂繼之復敗至是始大用師焉十月進兵破其上江寨其將刁放戛刁招漢等斬首虜五萬餘閏十二月至騰衝進兵累破其衆遂平麓川殺溺死者將十萬人思任發父子走孟養師旋封賞有差八年五月以思任發走緬甸索之不獲賊子思機發復據麓川為寇復遣貴驥等率大兵五萬討之九年二月破麓川兵進至緬甸敗之獲賊妻孥家屬九千餘人捷聞詔班師陞賞有差然叛賊終不能正法而西

南騷然矣

正統八年正月命成國公朱勇恭順侯吳克忠太監僧
保出喜峰口興安伯徐亨太監曹吉祥出界嶺口都督
馬亮太監劉永誠出劉家口都督陳懷太監但住出古
北口各將精兵萬騎約至黃河土河兩入口會遼東各
路兵馬剿烏梁海等關三衛韃靼二月勇等各捕斬首
級俘獲人畜器械陞賞有差

正統十四年正月命寧陽侯陳懋為總兵官保定伯梁

珪平江伯陳豫為左右副總兵都督范雄董興為左右
叅將刑部尚書金濂提督軍務太監吉祥陳蕪為監督
大發兵討福建寇鄧茂七等先是茂七以沙縣押拒捕
殺巡檢遂反聚眾至五十餘萬遂自稱閩王初以都督
劉聚為總兵陳榮副之陳詔劉德新為左右叅將僉都
御史張楷監軍討之陳詔兵未至閩遇處州賊葉宗留與
戰敗死茂七勢益熾攻建寧掌府事左叅政張瑛戰不
利死之賊遂進延平與劉聚遇中流矢兄子伯孫代之

十一月懋等進兵平之凡斬獲萬餘人

十四年三月都督徐恭為總兵官討處州賊葉宗留等
宗留者銀坑盜也以十二年反而征閩者都督陳詔兵
遇之敗歿明年張楷兵征閩遇於宗留復遣副總兵陳
榮討之復敗歿乃遣恭以二千騎馳至處州會宗留中
流矢死其黨益熾恭與都指揮沈鱗耿定王晟出戰鱗
等皆歿恭僅以身免會張楷兵至稍稍得敗之遂諭降
其黨以敗故功不論

十四年十月命都督同知董興兵部侍郎孟鑑僉都御史楊信民討廣東賊黃肖養先是肖養叛圍廣州殺都指揮王清勢大震景泰元年三月興兵至廣時賊畏信民恩威稍稍降散四月興遇賊於大洲頭大戰破之殺溺萬餘人肖養中流矢被擒伏誅餘黨悉平

成化元年正月命都督同知趙輔為征夷將軍右都督和勇為遊擊將軍左僉都御史韓雍贊理軍務調兩京江西湖廣兵萬人及土兵十五萬人征兩廣叛蠻二年

輔雍破大藤峽賊寨三百二十四斬首三千二百七級
生擒七百八十二人獲賊屬婦女二千七百一十八人
改大藤峽為斷藤峽尋又攻破五村大帽山黃沙吳峒
等寨斬首四千四百三十八級生擒二百餘人獲賊屬
男婦二百七十餘人奪獲被擄男婦三千九百四十六
人詔輔班師雍留封爵陞賞有差

成化元年十二月命撫寧伯朱永為靖虜將軍都督同
知喜信為左叅將都督僉事鮑政為右叅將工部尚書

白圭提督軍務太監唐慎右少監林貴監軍統京營山東下班兵萬五千及川貴湖廣兵討荆襄反賊劉千斤等二年四月賊平擒千斤等二千五百七十餘人斬首二千五百五十餘級獲賊屬子女一萬一千六百餘人牛馬驢騾一萬一百八十有奇招撫脇從流民一萬八千五百三十餘人續斬賊首二百三十四人獲賊屬三百六十七人九月復破平之擒石和尚劉長子等六百餘人永等封爵陞賞有差

成化四年七月命都察院右副都御史項忠總督軍務都督劉玉充總兵官太監劉祥監軍率京營延綏寧夏等騎兵萬三千討石城叛寇滿四等先是滿四等以遺裔散處固原邊地家富饒為叅將劉清指揮馮傑迫賄不能應清遣滿四姪指揮璫捕之四等遂擁璫入石城以叛衆漸集五千餘人劉清攻之不利陝西鎮撫遣都指揮邢端申澄討之復大敗事聞詔會寧夏延綏兵討之陝寧兵先進戰復大敗賊附者益衆至是始遣忠等

尋益邊兵合五萬人忠初至敗其衆斬首數百而伏羌伯毛銳中流矢死我師遂挫乃議築砦為長圍五年二月滿璫降四之腹心楊虎力亦降乃使虎力誘四出戰徼擒之又三日城潰斬首數千級擒千人以二百人獻俘餘悉斬之夷石城險其餘黨走慧帚山者至明年亦就擒忠等陞賞有差

成化六年命都察院右都御史項忠總督軍務督同湖廣總兵官右都督李震撫勦荆襄流民七年七月奏斬

叛者千級俘其族屬老幼共二萬八千七百餘人諭遣
復業者九十三萬八千餘人後疏又云一百五十餘萬
人忠等陞賞有差

十五年命太監汪直監督軍務撫寧侯朱永佩征東將
軍印征遼東又特命右副都御史陳鉞叅贊軍務仍勅
朝鮮國王李嫫夾攻十月永等奏破焚四百五十餘寨
斬首六百九十五級俘四百八十六人以大捷聞明年
嫫遣使奏捷直加祿永進封公陞賞有差

十六年正月太監汪直監督軍務太子太保左都御史
王越提督軍務保國公朱永為平戎將軍率京兵萬人
赴延綏征剿宣大寧夏固原甘肅諸鎮出精兵三萬應
之三月王越奏與直襲之於威寧海子生擒男婦百七
十一斬首四百三十七獲旗纛十二馬一千八十五駝
三十一牛一百七十六羊五千一百盔甲弓箭皮袄之
類一萬有奇以大捷聞直等加祿越封伯餘陞賞有差
本年十二月太監汪直仍為監督威寧伯王越為提督

太子太傅保國公朱永佩平戎將軍印為總兵官往大同征剿十七年二月破之於黑石崖生擒十人斬首一百十二級獲馬七百二十九疋器械六千二百餘件以大捷聞直越加祿永與世襲餘陞賞有差

弘治十四年七月命南京戶部尚書王軾兼左都御史提督軍務帥湖廣雲南播州等處土兵三萬三千人討貴州賊米魯米魯者普安州土官隆暢出妾霑益州土官安民女也隆暢老以子禮代職米魯依禮居而與營

長阿保通構禮與父暢隙暢逐保而燬其室保遂叛與
禮借外兵焚暢別部廬舍殺其從人暢怒誅禮米魯遂
與保發兵攻暢破百餘寨暢走之雲南鎮巡使之講和
魯陽聽命而誘暢毒之遂益熾分其兵為四寨保遂僭
稱王總兵東寧伯焦俊巡撫都御史發兵萬餘討之保
阿保及其子米魯亡走久之復熾官兵追捕之不利都
指揮吳遠被執乃詔軾督太監楊友總兵官豐潤伯曹
愷都御史鉞討之軾未至而太監友貪功率兵先入其

地米魯以萬衆劫營遂擄友而殺右布政使閻鈺按察使劉福都指揮李宗武等凡五將貴州大震軾至具以聞詔大發兵合十萬人討之十五年七月分八道以進累戰破之獲米魯及其黨福佑凡下寨千餘擒百九十人斬首四千八百餘級俘男婦千餘賜勅獎諭班師餘陞賞有差

正德四年三月命太子少保刑部尚書左都御史洪鍾總制湖廣鄖陽及陝西河南四川等處軍務并總理武

昌等府賑濟事宜以湖廣等處荒旱多盜故也六年命
鍾督同都御史林俊等討四川大寇藍廷瑞廖麻子鄢
本恕七年永順宣慰彭世麟誘獲廷瑞本恕加鍾太子
太保俊右都御史餘陞賞有差未幾廖麻子等復熾八
月召鍾還右都御史彭澤總制軍務右都督時源充總
兵官代之八年四月擒廖麻子係喻老人復叛九年二
月就擒賊平澤等陞賞有差

正德五年四月寧夏真鍮反書聞詔御用監太監張永

總督軍務涇陽伯神英佩平胡將軍印充總兵官總制
陝西三邊右都御史楊一清提督軍務統京營兵二萬
及各路兵討之戶部右侍郎陳震暫代一清行事兼整
理糧草本月遊擊將軍仇鉞襲執寘鐸五月詔班師鉞
封伯餘陞賞有差

六年二月起復左都御史陳金總制江西浙江福建湖
廣南直隸等處軍務鎮巡等官悉聽節制聽以便宜行
事五月東鄉等處賊平破柵二百六十五俘七百五十

餘人斬首萬一千六百七十三級八月姚源賊平斬首
五千餘級又破華林賊斬首二千餘級金等陞賞有差八
年以餘賊猶熾命右副都御史俞諫為提督代金權任
亦如之右都督劉暉充總兵官十一月大盜王重七等
就擒金諫後先雖平賊有功而所縱狼兵殺掠人子女
劫剽財物金時尤甚故人為之謠曰王賊尚可官兵殺
我

六年三月命太保惠安伯張偉充總兵官右都御史馬

中錫提督軍務統京營精騎二千及河南山東北直隸
兵討流賊劉六劉七齊彥名等八月命兵部左侍郎陸
完為提督統宣府延綏兵合計之其月以中錫偉無功
下獄完專督師太子太傅伏羌伯毛銳為總兵官太監
谷大用監督陸閭監神鎗數戰有功賊衆楊虎趙鐸入
河南者尤熾伏羌伯敗績七年三月命右副都御史彭
澤提督軍務咸寧伯仇鉞為總兵官陸閭為監督率邊
兵討之閏五月河南賊平劉七等入湖廣詔都御史澤

伯鉞與完相去督軍撫鎮而下悉聽節制八月完平劉七等於狼山前後斬獲數萬人鉞進封侯大用間皆封一兄伯爵完等陞賞有差

十年北敵犯宣大近邊詔御用監太監張永總督軍務太子太保都察院左都御史彭澤提督軍務御馬監太監張忠監督神鎗發京營騎卒二萬合宣大遼薊兵禦之仍賜永金關防鋼劍得便宜行事賞賜兵銀數十萬計不遇敵而還

十一年土魯番陷哈密虜其王及金印仍犯甘涼等處
詔太子太保都察院左都御史彭澤提督軍務總陝西
三鎮兵討撫之以綵幣易印及王而還後以不得要領
奪澤官

嘉靖三年大同兵叛殺都御史張文錦詔戶部侍郎胡
瓚都督魯綱督兵討之都督桂勇以計徕其叛者再亂
再定瓚等無功而還十二年復叛殺總兵李瑾詔總制
兵部左侍郎劉源清都督邵永督兩鎮兵討之遇北兵

救不利逮源清下獄以左侍郎張璣代之郎中詹渙等誘捕叛逆誅之璣等賞賚有差

六年總督兩廣右都御史姚鏌總鎮太監潘潤總兵撫寧侯朱麒等討破田州府獲叛守岑猛傑之以捷聞鏌進太子少保左都御史潤等加祿賞賚有差田州土目盧蘇王受以七萬人挾猛子以叛討之不利事聞詔奪鏌等加職即家起南京兵部尚書新建伯王守仁提督兩廣江西湖廣等處軍務督同姚鏌等合兵進討鏌尋放

歸里守仁至軍招諭蘇受請降杖之百赦不誅并赦猛子改田州府為田寧府設流官統之事聞賜守仁白金五十兩綵幣四表裏遣行人獎諭

十六年禮兵二部會廷臣議安南偽首莫登庸僭逆十大罪當討詔會推素有才望大臣以為總督等官起原任南京刑部右侍郎胡璉為戶部左侍郎右副都御史高公韶為右侍郎俱兼右僉都御史總督糧餉璉雲貴公韶兩廣都督僉事等官江桓充左副總兵都指揮楊

鼎田茂充左叅將孫繼武充右叅將樊泰蕭鵬湯慶陳
偉充遊擊將軍各領兵征討兵科給事中李鶴鳴御史
傅鳳翔往兩廣刑科給事中馬汝彰御史胡時濟往雲
貴各紀功起復右都御史毛伯溫至京將命之大帥已
暫俱停止十七年命寧夏鎮守總兵官咸寧侯仇鸞還
京挂征夷副將軍印充總兵官總督征南諸軍工部尚
書毛伯溫為兵部尚書兼右都御史叅贊軍事尋以兵
部覆議用兵事宜不稱旨復暫停以恭上皇天上帝大

號皇祖謚號陞丁憂服滿禮部左侍郎黃綰為本部尚書兼翰林院學士右春坊右諭德張治為翰林院學士齎詔及幣招諭安南仍令至承天行在面諭行事蓋欲寄以相機撫討也十八年登庸子方瀛遣使臣阮文泰等奉表款鎮南關請降復命禮兵二部會議尋以綰它奏忤旨罷之仍命仇鸞伯溫南征十九年鸞至廣東挾璽書責征蠻將軍安遠侯柳珣戎服行屬將禮珣不聽鸞遂劾珣珣上書自列詔勒鸞歸以珣代之本年伯溫

等至廣西徵集兩廣福建湖廣狼土官軍十五萬并檄雲南守臣及諸司俱會議分正兵為三哨分奇兵為二哨烏雷山等處水兵為海哨及議雲南所集漢土兵于蓮花灘為兩哨與黔國公沐朝輔安遠侯柳珣提督軍務侍郎蔡經巡撫都御史汪文盛等部署已定馳檄安南吏民諭以朝廷興滅繼絕之義討罪止於莫登庸父子有能舉郡縣來降者即以郡縣優之擒登庸父子降者賞白金二萬兩官以顯秩其登庸父子果能束身歸

順亦待以不死伯溫等駐師近邊登庸聞之懼遣使詣
軍乞降詞頗卑切伯溫等承制許之會登庸子方瀛已
死乃於十一月三日留其孫福海守關而自與從子文
明大酋阮如桂等四十餘人入關銜組繫頸詣所設闕
庭徒跣蒲伏驛上降表復詣軍門再拜盡籍土地軍民
職官悉聽處分欽州所奏被侵四峒境土願以內屬仍
請奉正朔舊賜印章護守以候更定伯溫等乃諭之歸
而上疏言狀下兵戶禮議上命降安南國為都統司以

莫登庸為都統使秩從二品子孫世襲別給印信舊所
僭擬制度削去改正海陽山等十三路各置宣撫司設
宣撫同知副使僉事各一員更襲黜陟俱付登庸四峒
侵地還屬欽州廣西布政司歲給大統歷俾奉正朔三
歲一貢乃加伯溫太子太保蔡經右都御史珣太子太
傅朝輔太子太保叅政翁萬達等進一官輔臣夏言翟
鑾以決策公郭勛禮部嚴嵩以與議及仇鸞汪文盛兵
部張璣等賞賚有差

二十九年八月北部諳達阿布該等犯塞入掠畿甸以
威寧侯仇鸞為平北大將軍節制諸路主客兵馬文官
三品以下武官總兵以下不用命者以軍法從事都御
史楊守謙陞兵部左侍郎同提督內外諸軍討之尋以
守謙不擊賊弃市大將軍鸞尾敵至白羊口迤東紅橋
等處猝與敵遇潰走死傷千餘人詔賞鸞及諸將金幣
各有差仍進鸞太保總督京營戎政三十年議開馬市
諳達尋執叛人蕭芹等以獻加仇鸞兼太子太傅歲祿

二百石廕一子錦衣衛副千戶監馬市兵部侍郎史道
轉尚書各賞金幣八月鸞帥京邊兵馬二萬七千分布
白羊等口十一月總督都御史何棟等獲姦細哈扎爾
陳通事告於廟社仇鸞加太傅兼太子太師歲祿一百
石廕一子錦衣衛指揮僉事何棟陞左侍郎廕一子錦
衣衛千戶總副等官陞賞有差兵部尚書趙錦史道俱
加太子少保各廕一子錦衣百戶侍郎聶豹陞俸有差
輔臣嚴嵩子世蕃進工部右侍郎廕一子錦衣衛千戶

李本陞禮部尚書直贊尚書徐階加少保孫承恩太子少保公朱希忠兼太子太師都督陸炳太子太保餘賞賚有差三十一年北部犯威遠城等處鸞自請行邊詔不許三月鸞始出師至大同上言出鎮川堡行二百餘里伏兵起溝下前軍陣亡者二十人傷者二百十三人失馬二百匹斬首五級獲達馬三十匹詔賞鸞白金五十兩綵幣四表裏諸將戴綸等三十六人各白金十兩鸞尋還師八月敵聚大衆邊外謀犯喜峰口鸞當出

師而病乃闕奪其大將制勅兩印章其夕病死數日通敵事發詔徧其屍分縣九邊妻子俱斬籍其家

三十三年五月以倭寇犯浙江南直隸等勢猖獗命叅贊機務南京兵部尚書張經不妨原務兼都察院右都御史總督南直隸浙江山東兩廣福建等處軍務一應兵馬錢糧悉聽便宜處分不用命者武官都指揮文臣五品以下許以軍法從事三十四年工部右侍郎趙文華條陳禦倭便宜首請遣大臣祭東海禮部覆上以問

大學士嚴嵩右之遂命文華往祭告并督察軍機賊情
文華至促瓦氏土兵出戰敗績尋以張經久無成績改
都察院右都御史兼兵部右侍郎剋期平賊不許怠誤

弇山堂別集卷六十九

欽定四庫全書

弇山堂別集卷七十

明 王世貞 撰

謚法考序

余嘗有謚法通紀三十卷列其凡而序之所以標先王制謚之本旨與歷代沿革輕重之變畧備矣至明亦有紀而未甚詳於是徧考金匱國史之藏秘閣之籍參以家乘而後靡所不備凡有釋義者皆閣籍也每故事大

臣卒禮部以謚請報俞矣則內閣以兩字者三請于上而自擇之是以具釋義也洪武之尚為吳也諸功臣死事及有勞而天者皆榮公侯之爵而傳之謚終高帝世文臣弗得也武臣即都督弗贈侯伯弗得也至建文而待制王禕得謚文節矣文臣之有謚自禕始也其謚小臣者亦自禕始永樂制嚴矣終太宗世文臣之得者僅姚恭靖廣孝胡文穆廣而恭靖之爵則公也文臣之有謚僅文穆一也洪熙初始大合故臣凡勞於國誼於青

宮三品而上易名者十餘人而後文臣之謚廣然宣英
之代猶斤斤焉持其柄而弗輕予且夫魯王愛子也秦
王次嫡子也高帝命之曰荒曰愍而登之冊曰不敢以
予故而廢天下公其於宗室諸子王尚有評也文臣之
有榮闕也則瑕弗掩也文榮之以爵也文愍之以事也
庶幾寓貶矣婦人之有謚也自后妃而外則死節也公
主之有謚也自仁宗之悼愛女始也乳媪之有謚也自
宣宗始也乳媪之夫之有謚也亦自宣宗始也方士之

有諡也自世宗始也諡而四字淫矣而使方士得之則益淫矣當世宗之季吾又得二事焉夏文愍之持秉則同列皆中諡及身以罪死易世而後牽復所得者中下諡也繼而嚴氏之持秉則其子為市焉非上所甚注懷者必賄而後得不賄不得也即得之不腆不上諡也及身以罪竄削弗諡也夫諡者人主之春秋也尊則稱天以命之不尊則與天下共隲之而奈何為大臣脩怨賈利地也然則如之何其必畧採唐宋故事遇大臣以諡

請有俞旨則翰林之司篆者為議而定二謚焉以授禮
科科詳之復議而上之閣臣復衷而取上裁凡文臣二
品而上及勛親臣公必謚侯伯之莅軍府加保傳必謚
謚兼美惡二品以下自卿佐以迨庶僚有德行政術亦
有謚謚則言官請之禮部裁之有美無惡可也自國初
以至今日勛臣若傅友德若徐輝祖之類文臣若章溢
若唐鐸若胡儼若魏源之類武臣若劉玉馬永王効之
類諫臣若楊瑄黃鞏王思楊爵之類儒林若吳與弼陳

獻章胡居仁之類文苑若李夢陽何景明楊慎李攀龍之類追之以謚可也勲臣若李善長馮勝若廖永忠耿炳文若丘福之類文臣若陳循若徐有貞之類追之以謚謚而不盡蔽瑕可也又若于謙者易之以上謚可也萬安劉吉汪鉉張瓚者易之以下謚可也凡此數者皆所謂與天下共隲之操法於賞罰之外而毋使人得而議其後者也

謚法紀一

一字謚

德玄懿恒熙裕仁淳
太高成文昭宣章英睿
景憲純孝敬武毅獻世
肅穆莊

恭定端靖簡惠和安康
順僖思懷愍殤悼哀隱
戾厲荒榮

謚法紀二

二字謚

文正文貞文成文忠文端文定

文簡文懿文肅文毅文憲文莊

文裕文節文義文靖文穆文昭

文恪文恭文襄文清文脩文康

文敏文達文通文介文安文和

文僖文榮文愍文思文隱

武寧 武毅 武敏 武惠 武襄 武順

武肅 武靖 武信 武義 武莊 武壯

武桓 武愍 武烈 武勇 武僖

忠文 忠武 忠定 忠烈 忠簡 忠肅

忠毅 忠敬 忠憲 忠節 忠顯 忠靖

忠襄 忠敏 忠安 忠僖 忠穆 忠威

忠順 忠壯 忠宣 忠勇 忠愍 忠剛

忠愍

孝勇

謚法紀三

二字謚

懿文 懿莊 懿安 懿定 懿簡

昭靖 昭定 昭僖 昭安 昭簡 昭憲

昭穆 昭和 昭毅 昭裕 昭順 昭榮

昭獻 昭懿 昭靜

宣武 宣靖 宣懿 宣和 宣穆 宣惠

宣僖 宣思

憲穆 憲懷

純靖 敬順

毅愍 毅敏 毅勇

敏肅 敏毅 敏靖

恭懿 恭簡 恭裕 恭襄 恭莊 恭和

恭穆 恭僖 恭肅 恭安 恭惠 恭獻

恭毅 恭端 恭懷 恭恪 恭敏 恭榮

恭康 恭慎 恭順 恭愍 恭介 恭憲

恭定 恭靖

壯武 壯勇 壯毅 壯敏 壯靖 壯愍

壯節 順簡 順靖 順僖

哀冲 哀簡

謚法紀四

二字謚

莊敬 莊獻 莊懿 莊簡 莊靖 莊定

莊憲 莊敏 莊毅 莊肅 莊穆 莊安

莊僖 莊裕 莊襄 莊康 莊和 莊惠

莊恪 莊靜 莊武 莊愍 莊順 莊隱

貞襄 貞肅 貞懿 貞靜 貞烈 貞節

貞惠 貞順

襄毅 襄簡 襄靖 襄敏 襄惠 襄烈

襄武 襄恪 襄榮 襄愍 襄悼

勇襄

定襄 定恭 定肅

介肅 成穆

清簡 清惠 清愍

節愍 愍烈

康懿 康肅 康敬 康簡 康靖 康端

康定 康憲 康裕 康僖 康惠 康穆

康和 康恪 康順 康毅 康敏 康獻

康悼 康隱

謚法紀五

二字謚

溫懿 溫憲 溫肅 溫靖 溫定 溫簡

溫穆 溫僖 溫和 溫惠 溫靜 溫隱

僖靖 僖裕 僖安 僖康 僖敏 僖簡

僖武 僖穆 僖順 僖愍 僖恪

安懿 安簡 安憲 安肅 安靖 安和

安莊 安裕 安定 安恭 安僖 安穆

安惠 安恪 安順

惠懿 惠簡 惠恭 惠莊 惠靖 惠榮

惠安 惠襄 惠穆 惠和

景成 景惠

榮懿 榮昭 榮壯 榮隱 榮莊 榮靖

榮肅 榮毅 榮端 榮憲 榮簡 榮康

榮襄 榮恭 榮定 榮恪 榮惠 榮愍

榮安 榮和 榮穆 榮僖 榮懷 榮順

榮悼 榮繆 榮虛 榮戾 榮愿 榮思

榮淑 榮善

懷獻 懷懿 懷莊 懷康 懷靖 懷安

懷簡 懷僖 懷順 懷和 懷穆 懷悼

懷隱 懷榮

諡法紀六

二字諡

肅敏 肅安 肅愍 肅簡 肅僖 肅貞

簡肅 簡褰 簡懿 簡定 簡靖

靖懿 靖莊 靖恭 靖肅 靖簡 靖僖

靖惠 靖和 靖安 靖康 靖褰 靖順

靖節

和靖 和僖 和惠

崇武 崇善 崇敬

勤敬 桓褰 桓義

剛毅 剛勇

威武 威毅 威襄 威靖 威勇

思裕

端憲 端靖 端肅 端簡 端懿 端穆

端和 端毅 端定 端僖 端裕 端惠

端敏 端康 端恪 端莊 端襄 端勤

端順 端愍 端榮 端隱

悼恭 悼懿 悼莊 悼簡 悼定 悼靖

悼康 悼安 悼平 悼懷 悼惠 悼和

悼僖 悼昭 悼順 悼隱 悼戾

隱懷

四字謚

恭仁康定 恭和榮順 恭順榮穆

恭莊端惠 恭和安靖 恭恪莊僖

恭淑安僖 端靖恭惠 端靖安和

莊靖安榮 莊僖端肅 昭肅靖惠

昭惠恭懿 昭肅靖端 忠敬昭順

惠穆昭敬

康惠莊肅

康穆懿恭

貞順懿恭

靖莊安穆

安和榮靖

文康榮靖

榮康惠肅

六字諡

恭肅端順榮靖

端和恭順溫僖

榮安惠順端僖

諡例議

親王諡例用一字郡王二字其文武大臣亦用二字與

否取自上裁若官品未高而侍從有勞或以死勤事特恩賜諡者不拘常例洪武初議諡俱本部奉旨施行二十五年令本部行翰林院擬奏請旨弘治四年令今後有乞恩贈諡者本部斟酌可否務合公論不許一槩比例濫請

十五年奏准凡親王薨逝行巡撫巡按等官覈勘郡王病故行本府親王及承奉長史等官覈勘善惡得實明白結報具奏定諡

又奏准文武大臣有請謚者本部照例上請得旨行吏
兵二部備查實蹟本部定為上中下三等以行業俱優
者為上行實頗可者為中行實無取者為下開送翰林
院擬謚請旨

一字謚

德

德祖

右廟號高皇帝四世祖唐有德宗謚法執義揚善

曰德

玄

玄皇帝

右即德祖帝號唐有玄宗謚法有其文而無其義

懿

懿祖

右廟號高皇帝三世祖謚法溫柔賢善曰懿

親王

周王子墮

成化

申王祐楷

弘治

鄭王祐擇代王俊杕德

王祐榕

俱嘉靖

右俱柔克有光

恒

恒皇帝

右即懿祖帝號謚法有其文而無其義

熙

熙祖

右廟號高皇帝祖謚法有其文而無其義

裕

裕皇帝

右即熙祖帝號謚法強學好問曰裕

仁

仁祖

右廟號高皇帝父謚法有其文而無其義

仁宗

廟號也文皇帝子謚法同上

淳

淳皇帝

即仁祖帝號謚法有其文而無其義

太

太祖

廟號也周公謚法不載後有之有其文而無其義

太宗

廟號也太祖子謚法同上

高

高皇帝

即太祖帝號也謚法有其文而無其義

成

即文皇帝再定廟號也謚法安民立政又禮樂明

具曰成

親王唐王彌錦蜀王讓栩俱嘉靖

右安民立政

文

文皇帝

即成祖帝號謚法經天緯地曰文

昭

昭皇帝

即仁宗帝號謚法昭德有勞曰昭

親

王楚王楨

永樂

秦王秉攬

弘治

蜀王賓瀚

正德

韓王旭樾

代

王充燿

俱嘉靖

追封肅世子縉烱為肅王

嘉靖

追封益世

子載增為益王

萬歷

右俱容儀恭美

宣

宣宗

廟號也仁宗子謚法聖善周文曰宣

親王秦王懷塔

隆慶

誠意外見

章

章皇帝

即宣宗帝號用增定謚法法度大明又敬慎高明日章

英

英宗

廟號也宣宗子謚法有其文而無其義

睿

睿皇帝

即英宗帝號謚法有其文而無其義

睿宗

廟號也憲宗子嘉靖中追上

景

景皇帝

帝謚也宣宗次子謚法者意大圖布義行剛曰景

憲

憲宗

廟號也英宗子謚法博聞多能又賞善罰惡曰憲

親王

韓王松

永樂

晉王美圭楚王季垠

俱正統

荆王瞻垌

景泰

唐王瓊烜襄王瞻塏

俱成化

潘王肩移淮王厚燾

俱嘉靖

右俱行善可紀

周王有燉

正統

右博聞多能

純

純皇帝

謚法有其文而無其義

孝

孝宗

廟號也憲宗子諡法五宗安之曰孝

敬

敬皇帝

即孝宗帝號諡法合善典法曰敬

親王

伊王訐淳唐王宇溫

俱嘉靖

晉王慎鏡

萬厯

右俱夙興恭事

武

武宗

廟號也孝宗子諡法克定禍亂又威強敵德又保
大定功曰武

毅

毅皇帝

即武宗帝號諡法致果殺敵又強而能斷曰毅

獻

獻皇帝

即睿宗帝號諡法智質有聖又聰明睿智曰獻

親王湘王栢

洪武末年
文廟改諡

蜀王椿

永樂

追封蘄王瞻垠

永樂
末仁

廟

初寧王權

正統

興王

即睿宗
正德

右俱聰明睿智

世

世宗

廟號也睿宗子古有世廟漢取以次太與高周公

謚法不載後有之

肅

肅皇帝

即世宗帝號謚法剛德克就執心決斷又正己攝

下曰肅

親王遼王貴燬成

右正己攝下

穆

穆宗

廟號也世宗子謚法布德執義曰穆

親王忻王見治

成化

右中情見貌

莊

莊皇帝

即穆宗帝號謚法履正志和曰莊

親王

肅王拱楚王孟烷梁王瞻均

俱正統

正統

岷王榘

景泰

唐

王芝址

成化末
孝廟初

慶王邃塤晉王鍾鉉

俱弘治

徽王見沛

弘治

末武廟初

瀧王幼塹德王見潏趙王祐棨益王厚煜

俱正德

魯

王陽鑄進封秦和僖王誠潔為秦王遼王致格榮王祐

樞周王朝垌追封荆王載堦崇王載境淮王祐揆伊

王訐淵

俱嘉靖

襄王厚頰吉王翊鎮

俱隆慶

衡王厚燾

萬曆

右俱履正志和

恭

親
王晉王桐

洪武

衛王瞻埏韓王冲烱

俱正統

岷王徽燦

天順

慶王寘鉞

弘治

遼王寵沒追封恭靖唐王彌鉗為唐王

藩王詮鉦肅王貢鯨周王睦樞衡王祐樺追封襄王

見澐徽王厚燭崇王厚耀追封秦王誠潤景王載圳

追封趙王載培

俱嘉靖

荆王翊鉅楚王英燦

俱隆慶

代王

廷琦

萬曆

右俱敬順事上

定

親王

唐王桎

永樂

周王橚

洪熙

蜀王友垓

天順

襄王祁鏞

弘治

伊

王謏錡正德淮王祐祭追封東垣王見湏吉王厚熜秦王

惟焯肅王弼枕韓王融燧壽王祐楮俱嘉靖

右俱純行不爽

晉王濟熈宣德慶王台滋嘉靖

右俱追補前過

端

親王追封淮王見澱晉王知烺楚王榮滅益王祐櫝魯

王觀煊荆王厚烜追封秦王惟嫌吉王載均俱嘉靖

右俱守禮執義

靖

親王

唐王瓊煙蜀王友堦

俱宣德

越王瞻墉淮王瞻墉

俱正

統

韓王範邛周王子廔

俱景泰

荆王祁鎬

天順

鄭王瞻埈

魯王肇輝

俱成化

趙王見潯

弘治

雍王祐樞崇王祐楹

俱正

德

追封肅安和世子真淤為肅王

嘉靖

右俱恭已鮮言

郢王棟

永樂

慶王梅

正統

遼王豪城

成化

寧王奠培追封晉

王奇源

俱弘治

楚王均鉞

正德

追封恭和王勛壯為藩王

岷王彥汰

俱嘉靖

追封榮康王祐楮為襄王

嘉靖

右俱寬樂令終

簡

親王遼王植

永樂末年

代王桂

正統

伊王顯炔

天順

肅王祿埤

成化

鄭王祁鐸秦王誠泳岷王膺鉅

俱弘治

右俱平易不訾

趙王高燧

宣德

周王有燭

景泰

襄王見淑

弘治

崇王見澤

弘治

末武
廟初
徽王祐檮吉王見浚湮王祐擢俱嘉靖

右俱一德不懈

潘王模

宣德

右正直無邪

惠

王親

安王楹

永樂

追封寧王磐斌趙王瞻塢

俱景泰

韓王徽

針魯王泰堪秦王公錫

俱成化

代王成鍊蜀王申鑿遼

王恩鐸周王同鐸岐王祐楹

俱弘治

追封潘恭裕王勛

潛為藩王追封襄王祐楬俱嘉靖慶王鼎枋萬厯

右俱柔質慈民

和

親王蜀王悅焯天順荆王祐櫓弘治

右俱不剛不柔

安

親王追封伊王勉堡成化追封淮王見濂正德追封藩府榮

懿王詮鉢為藩王追封晉恭裕王表棟為晉王追封

秦臨潼惠簡王公銘為秦王趙世孫翊錙追封趙王

汝王祐曄

俱嘉靖

追封韓悼恭世子謨璵為韓王

隆慶

右俱和好不爭

康

親王

秦王志潔

景泰

藩王佶煒楚王季淑肅王瞻焰

俱天順

慶王秩燿

成化

寧王覲鈞韓王偕灋淮王祁銓

俱弘治

鄭

王祐杓

正德

追封晉端和王知燁為晉王追封周悼康

世子勤熄為周王襄王祐櫓岷王譽榮趙王厚煜蜀

王承鑰俱嘉靖

右俱溫柔好樂

順

王岷親王音成唐王宙咏追封秦王秉柎俱嘉靖

右俱和比於理

僖

王親秦王志垣永樂蜀王友堦宣德追封鄭王見滋弘治

右俱小心畏忌

思

王親追封代王聰

治弘

追封均王載珮

嘉靖

右俱追悔前過

懷

王親追封虞王雄英

洪武

滕王瞻埴

洪熙

秦王志均

宣德

韓王

範

正統

蜀王申鉉秀王見澍慶王邃

俱成化

追封晉

王表櫟襄王祐材

俱弘治

追封藩王肩樞追封懷簡世

子當縱為魯王戚王載驥追封榮懷穆世子厚勲為

榮王追封德府懷順世子厚燉為德王追封肅王紳

堵追封岳王厚熙

俱嘉靖

右俱慈仁短折

愍

親秦王棟

洪武

右使民悲傷

楚王顯榕

嘉靖

右在國逢難

殤

親王嘉靖 王潁王載墮

謚法有其文而無其義

悼

親王景泰 許王見淳

趙王祁鎡天順

韓王偕洸伊王譔釒俱成

化弘治 追封蔚王厚煒

追封吉王祐扶嘉靖 追封周王安瀟

追封魯王健棧嘉靖 靖王翊鈴

右俱中年早夭

哀

親王
王 鮪 王 載 壻 嘉靖 邠 王 常 淑 萬曆

右蚤孤短折

隱

親王
王 秦 王 尚 炳 永樂 代 王 仕 壻 天順

右俱違拂不成

戾

親王
王 湘 王 栢 建文初謚 邠 王 後改謚 追 封 代 王 遜 端 正統

右俱知過不改

厲

親王 伊王 檉

永樂

右殺戮不辜

荒

親王 魯王 檀

洪武


右好樂怠政

榮

皇妃 世廟貞妃馬氏

嘉靖

右寵祿光大



弇山堂別集卷七十